

中華郵政總局特准掛號認爲新聞紙類
中華民國十三年九月二日出版

京 北 公 報

第二百七十七期

星期三

京兆公報第二百七十期目錄

命 令

大 總 統 令

各 部 院 公 牘

內務部呈 大總統授案籌設國立博古院請鑒核訓示文

本公署公牘

批安德珍等呈一件

批孟竹亭等呈一件

批王慎章呈一件

批王樹槐等呈一件

批朱其燁等呈一件

件徐冠軍呈一件

批孟慶善呈一件

批石振聲等呈一件

批曹思忠等呈一件

批陳美林等呈一件

批王德林等呈一件

批王吉兆等呈一件

批王文清呈一件

批張玉成呈一件

批王河呈一件

批張渭等呈一件

批房山農會呈一件

批張祖武等呈一件

京兆各縣水災調查報告節略

京兆尹公署河防災振事務處啟事

命令

大總統令 八月十八日

任命王陵基爲陸軍第二十八混成旅旅長此令

農商總長顏惠慶呈福建實業廳廳長歐陽鈞呈請辭職歐陽鈞准免本職此令

任命林鼎華爲福建實業廳廳長此令

任命李煜俊署湖北高等審判廳廳長此令

大總統令 八月十九日

國際聯合會全權代表陳錄電呈懇請辭職應照准此令

派戴陳霖兼國際聯合會全權代表此令

任命馬志敏爲豫南鎮守使此令

派田步蟾督辦海州商埠事宜此令

參謀總長張懷芝呈請任命查耀爲湖北陸軍第一混成旅參謀長應照准此令

全國水利局總裁常耀奎河南省長李濟臣呈請任命任文斌兼署河南水利分局局長應照准此令

暫行代理司法部司法次長薛篤弼呈請任命錢鴻業署京師高等審判廳推事張會辰署直隸天津地方審判

廳推事張崇勳楊定清朱鳳翔署黑龍江龍江地方審判廳推事蔡日新署黑龍江呼蘭地方審判廳推事陸

大勳署河南開封地方檢察廳檢察長劉璣章署湖北武昌地方審判廳推事高廣德署陝西長安地方審判

命令

一

命令

二

應庭長米金堂署甘肅第二高等審判分廳推事均照准此令

大總統令八月二十五日

佐龍爲健威將軍此令

王都慶爲亮威將軍此令

二 延擯充交通部鐵路警備事務會辦此令

大總統令八月二十六日

百 本年九月五日爲秋丁祀孔之期派國務總理顧維鈞恭代行禮著內務部敬謹預備此令

全國菸酒事務署督辦王毓芝呈陝西菸酒事務局長馮驥駿因病請予免職馮驥駿准免本職此令

七 任命段大信爲陝西菸酒事務局長此令

內務總長程克呈准兼署安徽省長馬聯甲咨請將長江水上警察廳廳長江光華免去本職應照准此令

十 內務總長程克呈准兼署安徽省長馬聯甲咨請任命王世英爲長江水上警察廳廳長應照准此令

大總統令八月二十九日

期 任命車林諾爾布爲國衛副使此令

教育總長張國淦呈司長張繼煦另有任用請免本職張繼煦准免本職此令

任命范鴻泰陳寶泉爲教育部司長此令

任命徐孝剛爲四川政務廳廳長此令

教育總長張國淦呈署江西教育廳長胡家鳳電請辭職胡家鳳准免署職此令
任命盧式楷署江西教育廳廳長此令

*各部院公牘

內務部呈 大總統援案籌設國立博古院請鑒核訓示文

爲援案籌設國立博古院以維文化而施憲政恭呈仰祈鈞鑒事竊維一國之文化源於歷代聖哲之精神故凡古昔制作之遺留悉爲陶鑄國民之資料是以環球各國莫不設立專院亟圖保存以資觀感吾國開化最早古物尤多惟國家略於保管斯品易於散亡風雨之銷蝕無窮私人之什襲有限近復船商爭購侵及石室之藏海外運輸洩出秘閣之寶遂使歷朝積累之名物日即淪亡殊於化民成俗之道關係匪輕此克所爲夙夜疚心未能割置者也查保存古物本部職有專司自民國三年由美國退還賠款內撥美金十萬元移運奉熱古物建築寶藏樓復修葺文華武英各殿設立古物陳列所於陳列保存各種古物始克略具規模又於五年訂定保存古物暫行辦法及調查古物表式通行各省區遵照調查保管於是舉國上下漸知注意嗣以實行保存須特設宏廓壯偉之機關以爲徵集陳列之處所曾經擬有博古院章程咨呈國務院開列博古院經費由國務會議議決提交國會列入新五年度預算在案復於九年議復振興文化案內呈明由部設立博古院籌備處并經聲明博古院創制宏大用款繁多擬俟各國賠款實行交還時由部提議援照美國退還賠款前例多撥款項分給博古院及寄存古物經費以資補助而圖發展等因亦在案是本部於保存古物殫心經營不遺餘力惟因財政竭蹶收效尙尠現值籌備實施憲政之際本部遵照憲法第二十四條第十三款之規

定業經擬訂古籍古物暨古蹟保存法草案并說明咨呈國務院提出勸議呈請提交國會所有本部前經呈請設立之博古院自應即時籌設以爲施行法規實力存古之預備惟博古院規制壯闊自不宜因陋就簡而另行建築非惟無適宜地點亦且需款甚鉅尤非刻下財力所能舉辦查太和中保和三殿及附近房屋爲古物陳列所收存書籍及各種古物之用嚴秘壯麗最爲適宜擬將太和中保和三殿及左右亭閣屋宇并文華武英各殿統爲博古院地址即就本部已有之陳列所附設院籌備處派專員籌畫一切進行事宜逐次推行庶於保持文化陶淑羣倫裨益良非淺鮮所有籌設國立博古院緣由理合援案恭呈伏乞鑒核明令訓示遵行謹呈十三年八月十一日已奉

指令

＊ 本 公 署 公 牘 ＊

批安德珍等呈爲迭被水災請振撫文 八月十六日

據呈已悉仰即逕呈該管縣署核辦可也此批

批孟竹亭等呈四區代表捏控區董殷筱亭一案文 八月十九日

據呈已悉查此案已經該縣知事及本公署委員查明呈奉指令遵辦在案該公民等事不干已何必瀆陳特斥此批

批王慎章呈爲建築教室請用牲畜稅文 八月二十日

呈悉查縣署小學校應由縣知事直接管轄該董擬援照王慶培及挑河鎮先例以牲畜稅用充作經費本署

無案可稽仰即逕呈縣署聽候核辦此批

批王樹槐等呈請飭縣交還趙景岐捐地文 八月二十日

呈悉查此案前准省議會咨開議決此項地畝不得變賣業經令縣遵行尙未據覆仰候令催該縣從速辦理
呈報核奪此批

批朱其煒等呈為地方事務請仍歸地方自行解決文 八月二十一日

據呈已悉仰候令行該縣新任知事核議具覆察奪此批

批徐冠軍呈為行駛長途活車先用商行名義文 八月二十六日

據呈已悉查所稱各節核與京兆國道營業活車章程及部頒路章均屬不合應斥不准至上年四月該商呈請設立營業活車商行一案當因該商歷經被控素無商業信用予以批駁並將原呈附送北京裕民銀行所具該商存款備查公函一件飭由該銀行取保發還各在案茲查來呈內稱所存該銀行開幕費三十萬元早經呈請本署查驗尤屬借案招搖意同朦混並斥此批

批孟慶善呈為請領孟憲彝卹金文 八月廿六日

呈及保結墨領均悉應准照發仰即來署具領收執可也領結存此批

批石振聲等呈為與門頭第六鄉分區自治一案文 八月二十六日

據呈已悉仰候令縣核辦此批

批曹恩忠等呈為巡官李進功舞弊詐欺一案文 八月二十六日

第 二 百 七 十 期

呈悉據控各節是否屬實仰候令行通縣知事查明呈覆核奪此批

批陳華林等呈箭桿新河決口請撥款修堤文八月二十六日

據呈已悉本署刻正彙集凡有河流各縣統籌修築堤埝辦法着即知照此批

批王德林等呈查放急振代陳謝悃文八月二十六日

據呈已悉本署刻正統籌振撫次第舉行著即知照此批

批王吉兆等呈爲水災奇大請賑濟文八月二十六日

據呈已悉關於水患民堤已令各縣籌畫由本署通盤規定防護修築辦法該縣被災本署及順直急振會均

已派員携款往放急振刻正統籌善後振撫即當次第舉辦矣此批

批王文濬呈爲生母王劉氏褒揚物品請就近給領文八月二十七日

呈及領結均悉所領節婦王劉氏褒揚匾額一方褒章一座證書一紙應准照發仰即來署具領結存此批

批張玉成呈趙永春等奪去車輛一案文八月二十九日

呈悉已據情令行昌平縣知事迅速傳案質訊依法判決矣仰即知照此批

批王河呈堤防決口請飭堵築文八月三十日

據呈已悉本署現正統籌河防辦法一俟籌備妥協即當通行各縣照辦仰即知照此批

批張涓等呈爲王良鶴等持槍闖校一案文八月三十日

據呈已悉仰候據情令催霸縣知事迅速查明呈覆以憑彙案核奪此批

批房山農會呈爲災重請振以維現狀文八月三十日

呈悉該縣被災待振各節業經電飭該縣知事查勘核振矣仰卽知照此批

批張祖武等呈爲決口成災請飭堵築文八月三十一日

據呈已悉業經分令三河香河等縣迅速籌辦矣仰卽知照此批

京兆各縣水災調查報告節畧

(一)通縣此次因北運河白河箭杆河等河同時漫溢縣城東南兩面均被水圍自城東馬頭鎮達武清縣境四十餘里一片汪洋運河兩岸田禾冲毀無存各村土房倒塌者難以數計被水最重者爲謝家樓馬坊東西康各莊太子府武辛莊胡莊車屯西集高屯前東儀後東儀呂東儀蘇街八間房史東儀尹家河王上村石上村岳上村大小灰店杜店後寨府辛莊前寨府蕭家林辛集橋上呂家灣曹劉各莊安辛莊小莊上坡和合站金家坨大小張各莊金各莊何各莊陳家坑王莊耿家樓耶家甫老莊戶小屯馮各莊望君疇祁辛莊杜柳樑花園楊家窪林屯等各村縣全境第二三四八九十一十二二十三等九區均各被災約共二百三十餘村平地水深五六尺或三四尺不等而西朱甫村竟完全淹沒近堤村民以水深之故巢居哀號慘不忍聞袒裼裸程嗷嗷待哺誠近年來僅見之奇災現在縣城雖有收容所並經本署撥款振濟無如災區寬廣灾情重大絕非少數振款所能濟事

(二)三河縣屬潮白河決口計共兩處一爲達官屯一爲大王莊達官屯先決之口約百餘丈繼因大王莊決口之處與達官屯相距不遠水勢浩蕩遂將兩口冲連現在決口已三四百丈以致縣南三四兩區四十餘

水 災 報 告

八

村如大堡莊窪子莊達官屯大王莊前後葛莊萬中馬坊大南莊胡家莊田辛莊楊各莊錢公莊大小朱莊王辛莊常辛莊辛屯馬家廟漫興營楊辛莊威武屯侯官屯蔣家店吳辛莊孫各莊神靈莊崔各莊周家馬坊鄭辛莊盧家莊大小薄各莊榮家馬坊小掠馬東定福莊等處一律被淹災情極重房屋倒塌者已五百餘間現仍繼續坍塌不已被災村民約六七千戶現均架樹爲巢露宿待哺水圍各村村民未出者約占十分三四現在已由本署委員商全該縣知事趕放急振俟蒸成饅首十餘萬個按人散放惟災民衆多似此區區斷難救濟該縣現因無款不能收容難民倘如振濟再遲災民不堪設想

(一)武清縣因受龍鳳永定北運等河漫溢之水以致縣境內幾全被災最重者爲南馬房侯上小董莊牛鎮大屯村南蔡村等處共五十餘村悉被淹沒縣城東南北三面小圍交通隔絕僅餘落堡至楊村一路尚可通行被災人民以當時水勢汹涌且雨水無處宣洩房屋既多坍塌米糧更無處尋覓或則乘舟逃避或則暫作巢居現在該縣已由本署趕放急振但被災者既有五十餘村以每村四十戶計之已有兩千餘戶斷非少數振款所能濟事至各村附近田地內之禾稼被淹面積尤大本年秋收當然絕望矣

(二)永清縣於本月十三日雨勢過大低窪各村一律積水晚禾早秋均被淹沒房屋坍塌日見其多如五間房等二十八村業已先後成災惟當時既非決口且積水亦非甚深受災情形尙不甚重詎料霸縣境內大清中亭兩河不數日間相繼決口水勢倒灌永清南境汹涌異常致將該縣境內大王莊等處五十餘村悉數淹沒水深竟至三四尺不等房屋塌陷牲畜財物漂流無算哀鴻遍野啼饑之聲慘不忍聞前因該縣知事迭電請振已由本署派員携款前往趕放急振惟款數無多恐難濟事目前該縣災民待振孔亟似應設

法趕速振濟以免流離而重民命

(一)香河縣因縣境三面臨河七月十二日三河縣達官屯地方決口艾台等村已被湮沒繼而馬家窩溝地方決口十四日潮白北運河堤銜接之處決口一道十五日潮白河堤頭南北河堤又沖開決口一道十七日百家灣後又開決口一道以致全縣村莊被湮最重者至六十餘處之多次重者亦有三四十村附近各河村莊水深三四五尺不等房屋坍塌不計其數災民遷徙流離情狀甚慘各村中如姚家止莊劉宋莊上店張莊興隆莊花袁莊劉莊馬房頂田賈莊土堡子大小荒莊雙營前後駱駝港王莊前後建各莊打鷓戶等村莊災情均重其餘方福辛莊及青百戶等二十八村多被水圍牛牧屯水深至七尺有餘楊篋箕莊竟至交通斷絕現在雖經該縣知事會同本署委員購買糧食趕放急振無如款少災重殊難普及如不繼續放振則災民前途不堪設想矣

京兆尹公署河防災振事務處啓事

京師內外城住戶各大善士均鑒斯民不祿連歲凶饑本年各屬災害爲數十年所未有洪水之來命在呼吸或攀登樹梢或匍匐屋巔浩蕩瀾漫呼號無應冥心沉思食不下咽轉瞬秋冬天寒日短嗚號在野剴目驚心若不妥爲籌畫儲寒襦爲之衣被則凡此溝瘠不死於水之驟來而將死於水之既退同胞淪瀾寢饋難安用特登報勸募

諸大善士將所中衣服無論男女大小各種舊衣凡可以洗濯縫紉儲棉而製災民寒衣者請檢出就近送交各區警察派出所代收隨時掣給收條彙由本署製成分發各縣散放伏維

水 災 報 告

十

諸公憂樂與共之心卽倉生性命相託之地雖屬懸鵲百結均如挾纊增溫不啻廣廈千間大庇祁寒嗟怨災禍餘生悉沾

鴻澤於無既矣謹代被災子黎九頓以請敬頌
善祺

京兆尹公署河防災振事務處啟

募集舊衣辦法

- (一) 本署收集此項舊衣專備附入冬賑分發被災各縣施放
- (二) 本署所收無論男女大小新舊各衣凡可製成棉衣者悉行收取
- (三) 各大善士施助此項舊衣請隨時交本段警區分駐所或派出所隨時掣取收條
- (四) 各分駐所或派出所代收舊衣每日彙交本區警署代存電知本署派人往取
- (五) 本署除印具收據交各分駐所各派出所隨時掣給施主外所有收入各件應俟將來彙齊一總登報鳴謝